

頤

綵

堂

詩

鈔

頤綵堂詩鈔卷六

秀水 沈叔埏 帶湖

三月三日同王秋塋上舍集張藹林茂才葭露山房

看牡丹分得香字

甲午

佳日臨稷帖出門尋樂方晨朝訪雀桁先約琅邪王背郭
一渡近浮舟雙湖長歲華已鼎鼎春物何昌昌花事盛此
番勝流來虛堂眷茲窗中卉忽送檻外香胡能辨歐碧那
復求姚黃弄色過春雨含情宜夕陽似欲殢醉眼因之豁
愁腸伊余性澹蕩賦物情慨慷回憶初入洛託迹東西瀼
數品厯曹縣續譜尋李芳聞奇諒不逮道遠安可將笑對

惜嘉植過逢憐故鄉
悅目聊自慰寓情無相忘
誰共塵外賞不須傾壺觴

題畫

虬松鱗甲養初成
遠澗泠泠濺玉聲
挂向誰家雪色壁
恰如聽徹七絃清

春夜宿葭露山房

短櫂平移傍晚汀
看花郭外舊軒櫺
酒杯未放佳辰過
漏板仍容靜夜聽
吟愛埽門三徑綠
臥同踰壁一燈青
瓏瓏只是愁春減
湖汭風來解掣鈴

九月之望集錢少司農師安餘齋聯句

嘉會不速期時節秋正朗泛菊過題餽

清怡

攀桂甫開榜

胸羅衆星宿首頂千佛像未知幾生修

劍舟

庶乎或來儻

而何卜屢別竟虛鍾一賞落葉自滿階

雲溪

寒蛩有餘響

訪道迷崆峒求珠眩象罔我非子豈知

半村

形問神亦爽

竅啗混沌鑿搔晒麻姑癢由來中酒情

清怡

漫擬爨材想

非鵬六月息是帚千金享捫籥將求明

劍舟

舒肘肯徇枉

吟竝東陽瘦坐接太邱廣臭味未差池

雲溪

襟期詎翫麟

鯉庭發新陰鷗盟愜舊壤所希義共敦

半村

端在學有養

蠅屈遵晦姿蛾術饋貧餉竢其膏沃光

清怡

勿以苗助長

穿溜始涓滴增高遂蒼莽亡羊行補牢

劍舟

羨魚當結網

甯因腐鼠嚇遂甘斥鷃搶鴻遠漸振振

雲溪

驥足展蕩蕩

皇路方清澄衆流赴浩穰一藝猶必庸

半村

三館可遞上

慰許勉進修愜適隨俯仰把酒勸明月餘輝在書幌

清怡

石工陳延寫己貌乞詩

斯人合置邱壑相賞在松石閒細與山泉商畧出山不如在山

題汪澹耘曷季七業圖

萬石洗厠脩諸楊集幃幔友于古所敦詒厥乃稱善君家好兄弟門才斯邑冠俱抱璵璠姿克守菑畬訓鴈鳩愛自均常棣華增爛寫爲七業圖取象足觀玩伯也手絲綸臨

淵豈眞羨羣季各言志襟情任蕭散有田荷鋤犁有園抱
耨灌或效傳巖築或歌南山斫采薪堪激貪鬻畚肯辭賤
緬古志彌勤談往憤仍岸相勸躡亨衢匪云託肥遯鑒彼
舍業嬉庶同一經貫

鄭紅泉孝廉將之淝水集同人餞其弟漢如閩中之
行兄弟疊韻爲別余亦次和 乙未

良會不嫌屢春陰生薄寒何殊魚作隊況似鳥分翰去路

誰眞遠

時秋厯將游邢
上余將北首

行期我尙寬一尊添款款重與訴

艱難

後鄭好兄弟聯牀雨未乾唱驪歌宛轉數驛埃雙單共勛

風波愼相期眠食安投書分兩地與報竹檀欒

將入都 廷試吳甥立齋投詩贈行走筆爲答兼以

示勗

人生少年日初旭光熹微隙駒不可繫一瞥無絲追寸陰
競尺璧每苦不自知憶余年十五六甲稍稍窺志慕古作
者豈眞力能爲但坐不自量撼樹同熬羅結交老蒼輩掉
鞅文壇馳衆謂頗挺出千里名家兒青紫取拾芥科目易
摘髭齷齪彼僇父輒用談笑麾趾高宜要駕未敢諉數奇
兩獻

行殿賦十踏浙省闈或同蟲屈步或類鵠退飛隨食大江

北漂轉黃河涯歸來重戢羽誦經常忍飢自錐蘇季股仍
下董相帷偶陪鄉先達落筆驚雌霓謬爲當塗賞甫脫鹽
車羈操挾竟何有行將試

彤墀芳辰挂帆北走送紛我私顧瞻兩親耄飲淚不敢揮
予兄病蹙蹙予弟口喔咿冀予霑微祿捧檄當清羹季也
客嶺表寓書一再催謂予迫強仕不嫌策名遲吾甥出孤
露舉舉玉雪姿勝冠游黌校綺齡富文辭眷言渭陽情縑
緼良在茲爲歌南浦句餞我澎湖湄游鯨已逐隊穉柳初
弄絲韶曙借勝賞春風生淒其由來觸離緒強驩共談諧
別筵語珍重經訓勤耘耔小得毋自足奉身循執雌勉承

堂上歡庶慰泉下慈六翮不豐滿何以奮天池十駕不蹙
踏何以箭雲達懷安信多敗聞譽有自施慎勿似爾舅老
大行自悲明經祇碌碌李絳所不爲致身貴及早青春不
相待叶課餘過外舍宅相隨爾移時予弟將謀移居予親勞勸解
三載申歸期

康山草堂歌爲江鶴亭方伯賦

平地累土成巖嵒湖嵌點綴偏玲瓏過江一邛問誰某乃
是汴東許西康五之遺蹤先生生稗河嶽秀早年對策推
無雙海內三才步仍獨朝端八黨目久空橫遭逮繫同門
友銀鐫誰敢撓其鋒莆陽上疏救不得信陽致書難自通

狴土已分填文鬼貂氛幸未淩武功瀕危饕餮出片紙旁
人錯認投詩筒此時噴薄激意氣權門走踏生春風須臾
詔下釋狂李高義千載邛山崇晏子曾免越石難宣尼欲
爲公山庸達權事與聖賢合索瘢清議爭磨礪先生棄官
如脫屣遨游山水當飛翺太常先壘寄白下南都瞻省禮
必恭經臺紫閣已徧訪騎鶴遠來稱寓公剩將恩怨付兒
女按拍工於老樂工詞譜墨飛煙水綠畫橋酒沍羅裙紅
搗彈一手絃續續腰鼓三百聲蓼蓼人生適志行樂耳何
有富貴隨樊籠升庵去蜀老炎微先生辭秦游蜀岡叶風
流接蹟聊自放失路俱是文場雄當年地主孰展待衆星

有爛明月東斯人往矣山自歸以姓呼之山樂從鶴亭方

伯雅好事小侯訪妓長安同國初雲構起榛莽舊觀頓復

新城中高臺曲榭重位置奇禽珍木添丰茸倡酬賓席有

蔣詡

謂春農舍人

宏長要爲羣雅宗我來覽古快登眺振觸往

事心徒椿康王樂府擅關隴並坐放逐嗟飄蓬賈淑能卻

孫威直張讓豈浼陳仲弓附璫心蹟自有辨西涯南塢胡

不容過眼能消幾盃酒支頤遙對邊江峯平楚做豁千里

目蒼濤飛盪萬頃胸焦先匡俗互拱揖大小求點參降獲

謝墅園碁莫輕賭習池倒著堪過逢頡頏諸勝良不愧淮

南州黎與爾爲附庸作歌徑乞江氏夢餘筆山有磨泐名

無窮

錢茂才

楷

來自白門相遇邛上口占一絕爲贈

樓數十三春正媚橋過廿四月初明

三月望日

韶年勝引休孤

負要看裁詩走馬成

李贊府官舍三和昌黎燈花

癖借哦松處燈挑起草中忽騰文燄紫如闌夕芳紅翦惜
堆成蠟飛驚撲後蟲遙知家問返一笑悅吾翁

四和燈花

客路憐無睡心燈對照中
藜光疑降宿蓮炬訝分紅
彩豔占三面聲希絕百蟲
長安應解憶兒女說家翁

五和燈花

亦有曇華意經旬一現中吐煙銀燭晃綻蕊火珠紅貴抵
嘉生穗名齊喜子蟲貧家倍珍重降瑞仰天翁

六和燈花

耿耿憑空發星缸爆響中蘭膏寵多碧綵勝巧裁紅詞客
傳珠鳳闥人賦草蟲相親惟有酒獨酌浣花翁

余以三月杪至淮上畱南麓六兄官廨之寄舫二十
日茲將北行南麓昆弟集同人祖餞卽席分韻得
向字

我昨渡江來正踏桃花浪浹旬滯邗溝途窮欲何向牽牽

隨運租因依就轉饟

邢上遇錢南浦觀察轉漕北行挈余之淮

漸遠廣陵鐘看

潞淮陰統贊公官河干襟期夙高曠靜寄簿領叢儼然書
畫舫轉帆屋角移栽藕池欄傍稍北陂塘寬延袤籬落障
款予憩其間久覺形迹放相逢好兄弟徑欲傾家釀朝駕
行艤游夜步長隄望卽目感去年偏嘗被秋漲

皇仁憫墊溺于役汎吳榜

路逢常熟運賑米船銜尾不絕

盡起中澤鴻共

飽春耕餉人家記水痕婦孺儲漿盎撫循述前勞焚槌慎
舊防雖茲行李艱亦爲流庸愴珍重主人賢殷勤綴驪唱
小住行遲遲將發心悵悵過河鯉魚雙首塗車轍兩屈指
報最期結佩青雲上

題莊船乙黔游草

偶然鴻爪落遐陬
參井光分綵筆畱
他日得官如得句
西南乘傳會重游

侏儻蠻語供吟料
曾見山薑纂述佳
客裏把君詩卷讀
如遊清水與紅崖

寄懷張學博

婺學會聞倡碩儒
分來教澤衍程朱
十年迴憶春風坐
百舍難忘別路紆
餘論齒牙同愛鼎

堤舉優行受吾師之知最深

贈詩懷

袖比明珠

堤瀕行辱贈二詩

鄉人歸問張夫子
卓薦何時上上都

題同年宋帥初畫

童背羊腸劇雲根岫翳神農蘿樵畱上皇民願言蓬壺景
長此巖壑春已鼓道猷興還拍洪崖肩叶攜筐拾瑤草跂
石漱芳津外秀五芝質內洞三丹田叶默默叩元扃縣縣
存谷神用益自然穎同讀太古文

程魚門編修體中小惡詩以問之

戊戌

詩伯髯公輦下傳髭須撚向五雲邊沈思雅稱爲文臥小
疾偏慳問字緣假日還期菱暫撒閨年預約菊同褰殷勤
問訊維摩詰說與文殊許著詮

江芒實井泥列一篇效長慶體頌任母吳太孺人節

壽

江芒實井泥冽天意欲彰任母節稻熟能療節母飢水清
堪比節母潔母年十九賦于歸相莊雅稱梁鴻室琴歌黃
鵠六載餘鏡舞青鸞一朝隻便欲偕從泉路游祇應強視
人間息仰俯一身樵牽帷淚成血乳下兩黃口堂上雙白
髮結網僅免尸饔虛典衣肯使甘鮮缺送老絞紵力已單
課兒幃幔功甯輟猶憶威姑殯在堂無端鄰舍薪煙熱誰
遣封姨返鬱攸三椽老屋火旋滅二子學成大小任文齊
賢校名久鬱由來天道倍還人噉蔗終償茹茶咽桓蔭衛
婦荷

恩褒井里田廬光綽楔母今八十子率孫對著萊衣舞成

列題詩介壽昭管彤海陵高行憑傳說

徐母沈婦雙節詩

一絃斷一絃續絃絃苦調聲聲哭一枝枯一枝生移枝接
葉嗟單瑩請言唐栖徐母節歸妹汝南爲繼室鳩鳩之愛
何均平鞠姊氏兒同己出遭家多難巢將傾良人憂傷嬰
疾疾中閨長跼禱北辰彼滄浪天不知卹呼天搶地哭壞
墻欲往相從恨相失上有垂白堂上姑下有二雛常在膝
由來健婦半于夫予口卒瘁予手拮子年就傳母教勤爲
傳孟子篇終七父書能讀子成名母節煌煌昭綽楔教子
一經還教孫松筠節操聚一門玉樹風摧中道折吳興季

女塊獨存本是林中其命鳥俄成鏡裏孤飛鸞臨危誓願
甘同穴心感太姑申一言汝夫已分若敖鬼遺腹汝猶幸
有身無何弱息又不育母爲立後存宗禋少婦願隨太姑
後長齋繡佛同朝昏母今終養舅姑在婦尤善得尊章歡
夜紡辛勤督嗣子韋幔重覩宣文君我聞苦節無不報天
其有意昌後昆擬將高行編佳傳彤史一一輝蟬聯力楮
門緒仗巾幘坐令讀者興感歎詩陳直己紀以實尙被管
絃風俗敦

張六柳洲畫松樹障子

己亥

學舍春深坐濃碧看作龍鱗成潑墨多君運腕力千鈞埽

就栖巖身百尺漚雨捎雲勢總奇匡廬佛隴倘逢之畢宏
韋偃今誰是未及生枯有兩枝

除夕立春用王半山韻

嘉平逢小盡餞歲復迎春午漏催除舊辛盤勸試新燒盆
油襍粃幡勝綵兼銀正有高堂憶猶慙滯軟塵

坐仍論守歲門已貼宜春是晦翻從朔推陳便出新雪花
爭戲玉火樹爛生銀

蹕路東風動垂楊染麴塵

初正三日雪不止同人集萬墨齋和東坡聚星堂韻

卽倣其體

庚子

散曼陀花刻楮葉併作新年三日雪已教庭院客來稀何
必深山鳥飛絕朝酣鬪酒蟻尊空夜坐圍爐獸炭折久忘
積霰有後先閒對同雲參起滅星靨嬌橫翠袖翻風毛狂
灑紅旗掣欲密飛還沒砌叢因疎巧入裝簾纈底須低唱
矜嘖喉劇稱清談助霏屑爭羨朝衣工點綴遙知

蹕路紛飄瞥主人豪繼歐蘇吟坐客愛其王劉說

謂劉青垣庶子

王治山庶常恰如歐公時之深父貢父也興來鐘鐸許倡酬我亦裝賓躍方鐵

王庭珪雪詩又如牛鐸應黃鐘水中躍出裝賓鐵

大雪四日和歐陽公聚星堂韻

滕六手搏五出萼天遣爭春占林薄直從元日到今朝雪

飛不止風又作

九重殿閣轉深嚴六街塵堞何清廓偶隨爆響送吹噓畧
透扶光騰閃爍已曾借馬尋輓紅剩欲騎驢訪村落呵凍
早禿中山兔忍寒尙少兼衣貉濃妝庭樹枝杈淡抹湖
嵌勢拏攫添薪斷續催燃獸得食尋常失馴雀耕萌自喜
壓茅檐擔豎何能暝繩屨由來降瑞無太多得此足今天
下樂賞憑酣燕芳尊凸沃試清泉佳茗淪竚看
日御啟東郊會見陽和回朔漠相邀禁體沿歐蘇頓覺登
壇換旗槩俶裝尙擬賡載塗我詩儻可當諸噉

思賢村聯句

治經推漢學

陳崇本

說詩誰窮源商賜聖所許

沈叔

亨甚今

獨尊中閒迭明晦

劉躍雲

載籍幾帙存韓氏有遺址本任耶

惟古村

玉輅昔三莅

錫名

經千春淳俗知善善

雲

聖人勛賢賢

村舊名四善壬午改今名並

賜御書授經臺額

義占不改

井本道著堪扶輪當年內外傳

地

蔚為大小言譬如瑞合

瑁雲

宜若絲貫縉而胡邁蟬斷

本

無復窺豹全就中試津

涉

妙蘊仍瀾翻蔓草證編紵

外傳載孔子遭齊程木子於刺之間顧子路贈以束

帛引詩野有蔓草云云

喬木尋鳥焉

韓詩作思休與求叶

足證蔓草非注詩

取友補孟義

外傳載亥唐事皆春秋外傳所遺惜趙岐注孟未及援引本

韻補之誤

審聲參魯論

由之瑟事外傳頗詳足與魯經相發明

更僕浩莫數

挺

顧家垂

不刊其文清且婉

外傳文辭清婉有先秦風見晁氏讀書志

雲

厥旨疵而醇嘗

衡識鼎鼐

本

企奧循藩翰散帙失精粹

挺

輯書畱叢殘

明人

輯漢魏叢書列韓詩外傳于經翼

失惜比鄒夾

雲

畱幸逾申轅楚弓不再

得木

雷劍何當還亦或埋壁冢

挺

毋乃遺榛菅卽今蒼冊

府雲

藏皮崇

文淵摺撫二三策

本

羅列甲乙編矧茲西京彥

挺

夙與東

魯鄰一經系授受

雲

羣雅爭躋攀表厥宅遠而

本

仰止臺

歸然

天題耀魁象

挺

宸幄規星躔以

詩闡詩教

雲

有作知作難末學襲膚受

本

經師稟心傳拘墟守章句

埏

雕繪侈風雲不解博依學

雲

何由性情敦

行軒重由繹

本

隨在宏陶甄緬往芳躅永

埏

詔來

皇風馴此地屢

頓憩

雲

此邦考人文虞邱蹟曾豔

本

董相祠猶芬一一數

前哲

埏

行行追後塵鄭鳥飛接翅

雲

淀澌漾微瀾

時巡忝陪扈

本

傾耳弦歌聞

埏

雨宿靈巖山下限巖字韻

二東孕靈氣蜿蜒分茲巖齊河近在望魯道同所瞻何代
闢淨域凌空構層檐法定後魏僧鑿深遠元奘耽虛恬泉水
有冷煖松風無涼炎鐵衣證忍辱石相畱莊嚴

行館紆碧罕從臣駐彤幘久晴得快雨是夕叢奇峴雲鬢
換膏沐屐齒生膠黏萬帳肅羽騎千燈懸星蟾依寶乳欲
滴跂嵐翠能霑同人墊巾角我亦側帽簷初至塵一洗稍
遲意尤忼模糊披畫幘隱約雜漏籤衆皴聚皴擦濃抹藏
勾尖重隙獨者蜀東谷西爲崦或迺如步障或比如衡閭
或開如豁間或闕如緘籍如負展當宁如累碁出隘如錐
穎未脫如突墨未黔或顧如飯甑或招如酒帘偃仰如立

菱周遭如圍籜如鬼手攪搏如優衣摺搏互如幢引伎飄
如架飛襪沒如飲虎簪翳如射雉簾如冶就金卬如敝布
玉鈴一一成仿佛紛紛對廉纖寰內名勝四十道圖以靈
霞台之國清荆之玉泉稱爲
四絕又宇內靈巖山有四箇中色相兼儼然仙真憩疑
有竊宅潛

宸游想當愜卽景殊無厭謂可三日臥胡僅一昔淹吟苦
瘦沈瘦笑掀髯劉髯鬪險逞彊韻追逋須輕縑明發指日
觀遙睇晨光遲

星橋舍人迎 鑾袁浦喜晤伯恭太史以詩爲贈語
兼及余次答二首

送君憶隔潞河船舊雨重逢一快然燕市把杯偕老輩泥

湖傾坐遡當年

余與星橋晤自錢文端坐上

春來

蹕路仍千里別後詩筒又百篇欲訪草堂知不遠彎環解水卸帆偏

話到前塵最動情阻風中酒綠楊城無雙亭畔探花客廿四橋邊度曲聲況有簪毫隨

豹齋

謂伯恭太史

未應弭楫問鷗盟

行軒早晚

天章下瓦缶微吟許其賡

召試得

旨後余先歸禾中伯恭同年約星橋前

輩過舍快飲聯句見投旣而不果次答一首

絕少諸峯影惟餘萬頃波
扈游來澤國轉權捷於梭
預治一尊待竟虛二妙過得官逾四十自問已蹉跎

伯恭歸自白下出示近詩次答二首

繡箔珠簾十二層
縈紆煙水問誰勝
絲絲如結長干柳不
結斑駁住秣陵

聽唱驪歌盡一杯
生憎曉鼓隔城催
殷勤此後三年約
屋角花紅會再來

祝西澗畫梅團扇上索題

月影分清迴花枝閒白紅
故人梅在簾懷袖有清風

嘉興縣治內聯雅堂燭下觀迴廊花影和金明府

仁

韻

幻出風廊花外影移來水檻鏡中天曲屏儼列無聲畫妙
諦真成不著詮香泛桂觴還鬪豔光分蓮炬欲爭然須知
一縣栽花滿那及棠陰芟舍邊

題孫述庵妻兄觀兒采蓮照

池館因依十載前踉蹌門限正差肩兩家恨事披圖會欲
寫童烏共一船

兄有子志銘十歲而殤因此圖以寄恨余
子傳璧與之同年生年十一能背誦周官

全經尋邁
疾天故云

瞥眼真過小劫餘德門蘭玉已充閭比他蓮子房房實更

見佳兒善讀書

題孫氏同胞雅會圖

明吳人錢
馬方貢畫

吾鄉往哲多誼方庭誥爭推孫簡肅會合慎防家道睽當
時幸哉有子六六人同心友愛敦一一閨房化雍睦飲隨
折柬常相邀吟約擘箋凡幾續長筵廣坐無襍寶舊什新
篇聯巨軸甯論祀竈請比鄰底羨烹雌招近局丹青有神
錢滄洲心蹟全將友于貌夢繞池塘得句頻園開桃李飛
觴數鵠原點綴好溪山雁序排連真面目斯圖藏弄二百
年古處家風見淳樸嗟余出贅戀庭闈幾載栖尋傍林壑
叶婿才每竊慚弟舅婦舍還憑破幽獨過從不惜三摩抄

如詠棣華歌伐木竭來展玩重低徊珍重長言猶不足解

樹難忘京兆田連枝無復燕山寶

叶余兄弟五六今存者三人

偶從楊

惓感同槃不改姜肱牽共宿尙書清範及今存舊史遺言

堪細讀

謂董文敏及朱檢討兩跋

我家馴行世能沿季舞叔歌偕燕樂

更期累葉無析居奚止同懷勤念鞠題詩直欲摹萬本

願挹清芬徧鄉俗

子萬成進士畱京半載昨仲冬歸省適余北行相見

吳下喜而賦此

同車憶趁輓紅塵雪裏銜杯坐接茵獻賦官從

行闕授題碑名占上林春須知兩處承

恩侶等是當年失路人爾有嚴君我有母萊衣差慰白頭
親

小除日偕李雲莊甘泉二比部游陶然亭

通除誰向此閒行興到眞教步履輕半郭村莊偏有景六
街車馬漸無聲冰愁踏破催尋路壁憶題殘厭署名惟有
白雲亭畔客一時心蹟對雙清

頤綵堂詩鈔卷七

秀水 沈叔埏 帶湖

元日早朝次雲莊比部韻

辛丑

傑閣隆樓記磊嵬叨榮不是夢中來
雲凝異彩籠章紱日湧祥輪映斗台
昭曉雞人千品集衝寒魚鑰

九重開書生橐筆慙無補乘興還尋視草臺

題李甘泉比部雨晴垂釣冊子卽次元韻二首

淨洗炎氛雨乍收釣絲風蹴浪花浮
馬場鶯脰如襟帶可許他年共狎鷗

畫圖指點五湖天家在垂虹釣雪邊
應有漁翁畱世業長

蓑短笠廿年前

元吳草廬詩只有漁翁猶世業長蓑短笠淺灘前此圖爲二十年前陳易門明經寄

興之作比部取以爲圖故云

荷衣也願樂吾慵未敢輕拋祿一鍾辦取十年官以後扁舟是處會相逢

題馮星實大鴻臚前輩潞河督運圖六十韻

匯濟畿東牘遙連潞上槎才兼舟楫利世美畫圖誇

前輩

司寇公景夏倣公高祖明方伯公孜觀我圖寫歷仕十二幅任長安令時率部民轉餉貯莊浪爲督運圖是圖亦仿

遺意綺歲收科第清聲取嫖娉

四巡看上頌繼起掌宣麻冷署初翔鳳亨衢穩控驂從容簪紫橐密勿佩青綱暫出違樞轄經時滯潞沙平津排鷁

首遠饒揀聲牙五十郵程近

金史河渠志金都於燕東去潞水五十里故爲橋以節高

良河自蓮潭諸水以通山東河北之粟

三千輓道賒溯源金水合引瀕玉河

斜星象祈歆麗

李播周天大象賦天廩備稷以祈歆

洲名濟運嘉

通州取漕運通濟之

義出郭子章郡縣釋名

周遭城疊障邇迤壩重遮迴浦連帆峭雙橋

夾鏡訝榜歌通晚唱津鼓候晨撾候粉翹延驚檣竿集陣

鴉柳青還置驛山翠恰當閣射憶高墉隼塵遺廢苑駟

元

呼鷹臺明之御馬苑皆在通州見一統志

石幢雲表柱金蓋淀中花日落蘆臺

荻風翻葦甸葭洵河分七渡沾水辨三义土俗漁陽俠人

情澤國奢播精塵眯眼輸粒衆謹譁莫展時平策惟期候

及瓜團亭紛酒殘長店聒弦琶處處勞供給年年費秉秬

亦云監卸納誰判蹟隆窰使者洵勤恁猷爲畧試些渾檢

多淺澁瀛莫總低窪沮淤工拘拓榛芳弊剔爬稅先除白

著見劉晏傳賦故物寶帙缺斗尋先製司寇公參藩江蘇遵部領定式俾屬邑多造口

狹鐵解納戶至今賴之元至元開中丞崔或明宣德倉廩

當坐衙淺船隨起剝細漿任輕划役許番休換幫嚴耗贈

加荒陂栖雁驚野灤飯魚蝦考古資開膜徵吟繆嗜痂誼

緣敦世舊詞許肆洵葩見說京儲富兼憑海漕遐朱清殷

成效著梁夢龍宋良佐建言哆摺運通諸島軍支足舊畚哨

船先認鶴元海漕有仙鶴哨船獵騎此驚駕直達從我痾何勞走站

車雲屯網不誤風趨候無差故道猶堪踏詳吾鄉胡龍賓舞堯子黃陶庵

山左筆談遺文豈厭夸歐陽元碑未泯康里定績非多脈導泉

涓滴河開路礮礮吾鄉姚叔祥曰畿訪勝錄正陽門外東偏有古三三河一道東有南泉寺西有

玉泉庵其下俱有泉脈由三里河繞出慈源寺八里莊五箕花園一帶直抵張家灣煙墩港地勢低下故道俱存冬

夏水脈不竭稍加脩治即可復也襟畿仍轉饌繞郭便浮肥元至時運船直

元章詩燕山三月和風柔海子酒船如畫樓想見舟楫之盛自徐武甯改築北平城後運河海子截而為二城內積

土口高雖有舟楫橋梁不能度矣見詠歸錄敢竊籌開濟聊供茗破瘕即今趨

紫藥疇昔詠皇華羽節纔臨楚冰衡旋指巴單車成卻顧

當路動齋音嗟

渥眷叨頻注

恩光爛有轍河隄煩視榷

輦路喜隨橈牙服娛添綵卿班氣吐霞由來論宦達也幸

徇京華井里多先正阿私詎小汗納言曾筦榷

康熙初吾邑何從音

銀臺以戶部郎督理大通橋監通州糧漕弊盡剔典屬復乘槎歌舞胥

皇澤迴沿卽

聖涯流慶傳粉墨紀嫩絕疵瑕趣以臨文會

前輩手示書後一篇論職

掌甚願因覓句呀繼繩名德在爭羨曲陽家

碧浪乘槎篇次楊鐵崖石湖花遊曲韻

小剪山色青濛濛菰蒲萬頃來長風風便送入雪川裏鏡

波藍浪粘天水溯昔小杜畱金門舊游有約尋紅裙水嬉

無復凌波步石柱空餘古人墓古人往矣今人來海客胸

次海一杯漁童茶臼兼羹盃小泊吳淞狹三板乘風一泛
水東西勝賞樓頭覓句題貌出襟期同漢使淡墨埽成看
再四夜虹貫月飛吟箋他時更贈滄江篇

寄題寒山舊廬追次桐城張文端韻爲錢唐陸森作

吳山佳處占斯邱雅稱閒居與客遊竹笕分泉仍入戶松
梢挂月自當樓無端石勢千尋聳不盡江聲一片流莫問

南園誰作記到來肯爲古人愁

爲韓平原南園遺址

疎雨前輩齋飲鄭宅茶

時敬觀
楞嚴妙法蓮華二經
御書首

那能香薜夜常供禪悅參來味轉濃應愧竹林老居士也

聞催取密雲龍

寄懷富陽陸學博師兼言近狀

盛時誰分老明經講席偏邀眼倍青學舍如舟曾借住

師曩

任吾邑訓導

郊園細雨訝同聽天池已到猶垂翅雲路相期更

刷翎贏得著書閒歲月一官拓落戶常扃

題祖臯圖爲禹航嚴立堂作

卜築娛親侍親老司農

嚴灝亭沈

不作臯魚槁曾經孤子慰偏

慈欲報春暉惟寸草百年圖畫有臯圉五世嚴陵重孝門
昔詠循陔今陟屺杯圈餘慕見文孫

王清芬招賞盆桂

居然金粟影參差借問何人贈一枝衣染天香攜滿裏酒

浮月魄照深卮筍宜作脯頻勞勸蟹但烹螯總要持不是
春曹賢首領江鄉風味有誰知

食昆明湖鯽呈疎雨前輩

訝是蓬池鱠分嘗到酒邊自來生液水誰許薦芳筵洱海
跳同健溫湖味比鮮丹砂祇一味皓魄已爭妍

時八月十二夜

秋夜卽事

買書判趁寓廬寬幾番秋風動早寒詩境每從天際想月
光常向樹中看簡編細約燈檠伴簾幌微聞木葉乾忽憶

南湖菱正熟又添稚女望長安

時聞九弟得女

中秋無月次查石愚韻

乞取詩籌當酒籌
尊中判吸十分秋
翻疑過雨涼如洗
恰怪癡雲疑不流
此地雖無樓縱目
連宵已見月當頭
朔南路隔陰晴其
誰泛雙湖第一洲

題蔣文肅畫鴛鴦三首

憚南田後蔣南沙
渲染翎毛又一家
弄筆偶然成匹鳥
黃筌崔白儘人誇

崔家詩好和偏遙
終遜唐音韻致饒

余少作有和崔夢之鴛鴦三首細把

斯圖臨水看爭教
不憶採蓮橈

翠蠟紅衣設色勻
一隻如護水紋新
題詩誰倩雙湖客
此是鄉禽惱煞人

題王清芬九秋詩後

卽景都堪入撚髭西風又到菊花籬一吟已覺商弦動九
辯休誇宋豔爲欲與春曹畱故事爭將秋興闢新詞預愁
振觸應難和索讀還憑倒玉卮

卽席題山行秋興圖送同年朱滄湄舍人假旋歛中
次畱別洪桐生同年韻

寫將帽影鞭絲意家在天都雲海閒歸路丹黃好林色夕
陽紫翠故山顏聽驪已屆歌仍續指雁相期去復還十七
人中年最少循陔羨爾暫安閒

詠蠟梅次疎雨前輩韻

豈有山峰遶樹頭一枝破臘不勝愁額黃也解塗宮樣妝
淡偏宜學道流著屐尋來春意動翦燈看去暗香浮故園
待爾傳消息認取檀心種獨畱

方仰齋水部愛女年十一有夙悟屬對裁詩兼工繪
事出見余于客坐因贈以詩

早傳班左并淒秀能誦張裴女史箴淡薄鉛華當稚齒玲

瓏玉映有清心椒花異日看成頌柳絮因風試解吟

子試以柳

花如雪即應聲
日貝葉成書

詩似水曹終有後未應遽付爨餘琴

愛畫由來慧性通研丹吮粉已都工發舒蕙葉多般碧渲
染梅花數點紅常用歡顏娛大母更聞諧語悅而翁差肩

亦有嬌癡女我欲攜來拜下風

子有二女年並十餘僅能讀書耳

嘉平二日集敬亭主人葛巾居以東坡冬十二月歲

辛丑句分韻余得月字

樹枝杈枒石碑硯朱門恰藏山水窟行過畧約徑益奇尺
幅青帘屋檐揭古歡者誰非隱淪派自天潢厭章紱草堂
聚書名四松精舍開樽容十笏脫巾可漉希柴桑汲凍安
壚煨楮拙翻將家釀當村醪愛集朋簪列肴核深徑縈紆
但埽苔有田高下惟種秫爭教踏雪尋梅花免使舉杯邀
明月我昨承

恩去江鄉豎儒謬許翔

雙闕衝寒每藉酒爲衣一官拓落貧徹骨麴生有車我無
車塵堞東華走蓬勃回思酒肆舊藏名曾向旗亭幾塗抹
杖頭屢問百錢沽償債時愁一囊竭今來邂逅賢主人把
臂入林心恍忽有如乘興到酒家身在世外忘人物又如
隨意解金魚長安市上醉兀兀豈是荆高尙少徒何妨畢
阮俱稱逸分曹射覆影隨燈得雋爭雄聲振槭聞徵雅令
窮萬卷故求苛政判百罰昇平此樂可能無轉笑陶公類
寒乞汝陽甘露著爲經安定黃柑醅再釀由來良醞出王
孫玉缸春動蘭薰發吾曹官閒況無事旬休便著青鞵襪
有酒消我無則酤新年更試辛盤餹

大雪集仰齋水部抱珠樓遠眺限雪字

晨起展一編寒威覺九列窗櫺逗虛明庭院正飄瞥街西

投牋番門外枉車轍主人發興豪畫手取景切

汪君芬層亭工畫

樓敞閒居一角占奇絕相於上梯枕杯琰已羅列遲客鶴

筆披

王六清芬後至

灑空驚毛刷淨洗東華塵坐對西山雪修眉

半模糊衆皴失凹凸極目連雲封欲往萬徑滅賞幽寸碧

遙宜瑞三白綴堪持玃

天間有喜徧農畷

送趙味辛同年乞假南旋四首卽次畱別同人詩韻

嗜飲耽吟樂不疲因緣沈趙並名時

余年差長于君古稱蘇李沈宋皆以後者

爲優因做此例實愧在盧前也一鳴爾定蜚聲遠連蹇余慚得路遲已幸

同趨

中禁漏還期共借上林枝
小人有母猶強健徇祿何心祇獨知

每欲從君賃數楹
樹梢樓角鎮含情
尋碑古寺霜初落
蹋

壁高齋雨易成
況有秋曹許同調

謂君婦弟金鄂巖比部

誰于祕省

復爭名更番保直追隨慣
十二回看蟾魄明

憶昨攜書來

賜邸宣南坊裏少經過
酒場獨許舉旗入吟坵
應輸奪盡多
藜閣未曾燃夜杖
草堂歸去正春蘿

殿廷曾共瞻臚句

今春殿試同
執事省中

射策終當向馭娑

肯爲無兒感索居天倫真樂樂何如遙知萊綵承歡處要
是箕裘積慶餘江畔雞聲千里夢雲中雁侶幾行書高堂
催赴還

朝約未可輕論下澤車

海子橋觀荷雜詠

十首存六

壬寅

路識朝

天處人傳積水潭激波添澹澹碧柳故蓼蓼自慣薰風拂
偏宜曉露含常時車馬伴相賞也停驂
千頃好陂塘臣鄉似

帝鄉乍聞拋玉尺纔見整紅妝質麗塵難浣心清水亦香
此波連

太液宛轉入宮牆

下直連西苑嘉蓮占水隈知時曾未放得意此先開我欲
乘槎去何人踏藕來恰當初日照須仗句頻催

倒影玻璃貼迴文錦繡搖水喧知浴鳥林靜待鳴蜩遠漲
連隄湧輕雲帶雨飄羨他蓑袂者

文沼有芻蕘

客久思臨水官閒擬種花懷人託江調望遠隔天涯金碧
觚棱迴丹青景物奢溯洄從此始取次到蒼葭

此地鄰京邑名園徧水濱浮舟譚往蹟洗馬說中人瞥眼
成前浪吾儕悉後塵紅葉知底事只解鬪鮮新

六月十二日雨不止次石愚韻

竟夕連朝不肯休深遮簾幙鎮生愁翻盆勢猛簷拖瀑補
漏痕多屋架舟種樹已除僮約舊添衣先試客心秋誰同
賞雨沈沈酌家釀須如楚寶求

新秋日飲二十四福堂贈疎雨庶常清芬兵部

當年

賜福冠蛾班

南齋供奉詞臣例于每歲遍除同
御書福字文莊公拜

賜獨多堂以是

得名堂構畱貽尙許攀借讀新開書萬卷移居幸傍屋三間

繁花過後真如夢

清芬畱待居前藤花春餘開最爛漫

舊石堆成總當山欲

做東坡傳濟美酒酣強諾已酡顏

賜第共有七槐庶堂前輩循東坡銘三槐堂

故事屬余作記余漫應之而懼有諸責也

莫教几榻久塵封催放秋光捲幔重梵瑄因風聲自徹槐

花如雪蔭偏濃坐中兩郡分鄉語

坐無他客惟杭郡禾郡各三人

輦下頻

年敘客蹤有約雞豚聯近局蓬萊春

越酒名

合倒千鍾

直廬夜雨喜作奉和竹井師韻

忽送中宵雨如飛萬斛壽

紫宸同志喜頰背已忘勞

禁漏仍聞續街塵未許囂爲霖默自驗肯爲負詩豪

疊韻答虛白道人

清時迹已謝通班老去鴻飛不可攀
性癖煙霞按物外神游洞壑寄人閒
無多酒戶三蕉葉自寫詩題一幅山長此
昇平長此樂底須丹藥駐丹顏

有母都慙潁谷封鄉心到處白雲重
道人筇屐身常健游子蘭陔思倍濃
北雁南歸勞問訊西湖東道約追蹤

虛白欲游

西泠期余暫假還南與之偕往平生志願天須遂
努力相期善慶鍾

次韻吳壽亭吉士舍有栽竹兩枝雨後忽迸新筍之

作二首

摒擋移居先種竹伴他蘭菊也叢生
萬竿煙雨看圖畫

明嚴

氏書畫記有半陶
老人萬竿煙雨

不抵君家嘯詠情

竹脩纖帶雨廉纖詩思秋來幾倍添便爲主人須問訊錦
裯半脫覓犀尖

題錢上舍小春春渚歸帆圖四首

二難風貌阮何推前輩飛騰大雅材

尊甫冲齋前輩由丁丑召試歷官滇

省觀察爲諸生時余猶及載筆追隨

不信俱爲鴛渚客相逢卻在

鳳城隈

余與君伯仲始相識于閣學陸顯齋前輩邸第

歸心預寫帆千里往事能

消酒百杯期爾中流行自在放船春水到蓬萊

驪歌聽唱復匆匆摻子祛兮有上公

君以首揆阿師開閣畱課令孫未歸

況承敦古誼奪標知益勵初衷江邊折柳波爭綠

苑裏看花杏占紅我亦顰眉舊書客十年強半輟塵中

最憶江鄉春好時東風斜飈柳梢旗肯孤駟馬題橋字且
鬪雙鬟畫壁詞飄泊儘教書劍在激昂未許鸚鵡知饒他
天際歸舟識仙侶招邀舟更移

辛苦春明此擔簦君家遺澤至今稱

令祖紅村先生會館阿文勤第宅錦

衣底用誇三節

君爲吳越王裔

煙帳仍煩課一燈水認還鄉誰不

戀風能破浪要長乘落帆

吾鄉亭名

他日傳名姓吹過江湖是

處磨

壽嵩山主人

癸卯

獻歲曾叨預咬春林亭佳處列芳茵傳柑早拜

需雲宴

正月十日
賜宗室宴主人預焉

乾清宮

捧杖重逢降嶽辰羣雅材兼

耆舊侶太平時作飲仙人惟將新句期難老要是宗潢有
甫申

關晉軒編修前輩從海王村購得故明錢御冷相國
行款一幅挂壁間浹歲矣余見而愛之因輟以相
贈走筆作長歌奉訓

太史齋頭壁如雪驀地龍蛇來綰結我每過逢雙眼青知
是息園老人筆禾郡諸錢數武塘老人晚達名第一定陵
年間兩廷魁小邾謂朱文恪先蜚錢後出鄉人至今豔姓名等
是玉堂舊人物豈知有幸有不幸才命無殊時迥別一相

熹宗卹贈榮一丁陽九金甌缺當時輔臣五十人此老歸

與托禪悅築庵景德謝世紛

公於景德寺築放下庵以老

著錄表忠示

臣節

著表忠錄二卷

偕隱東郊有壑專

公同楠從叔繼登有壑專堂集

請養南園

歸健決

公子棟官南職方稱健決郎有南園倡和集

此幅曾經劫火餘詩中亦

復論生滅

書韋蘇州詠聲絕句有云還從靜中起卻向動中銷

坐來埽地不忘韋行

欲御風還慕列卽看揮灑真自如未待生天圖作佛過眼

雲煙抵夢醒百七十年祇一瞥君藏名蹟豈不珍我因世

舊輕相乞意重甯同通鼓鹽官閒儘可給筆札作歌尙欲

倣前賢吾曹身曳承平紱

花朝前二日同人集四松草堂贈宗室懋齋敬亭兩

昆仲

石苔不染外人蹤
依舊屏圍小朵峯
二月埽除花徑雪
經年問訊草堂松
澆巾舊店畱家釀
度曲當筵有阿儂
伯仲風流成二老
未曾斑鬢早攜筇

春寒

橐筆惟耽早散衙
入門肯改舊生涯
春寒二月猶飛雪
住近羣芳未見花
崇國寺鄰
近皆花局
薄宦幾人仍作客
清宵無夢不還家
勤添自課皆餘事
預寫新詩對客誇

二十四日再集四松草堂疊韻

下直還尋舊徑蹤
畱人堂外雨三峯
常供早韭頻開醞
自

許青蒿欲倚松醉倩小奚歌爾汝閒求名畫記渠儂香山
底事期他日便擬郊游策瘦筇

四松草堂卽席咏盆中溫牡丹限衣字二首

廣陵芍藥認依稀新霽園林映雪輝恰好鞋紅似鞦帶有
香先染主人衣

馬塍方法種來肥羨爾春風早著緋莫怪尊前屢回顧輒
塵尙滯老萊衣

四松次老杜韻爲敬亭主人五十壽

問年倏已艾只抵四十強我觀草堂樹亦自分短長三松
競蔥鬱一松補其傷老蓋枝自立穉柯秀猶藏主人昨抱

女慰情老先防謂是驥子晚行當育飛黃況君本龍種優游樂

時康圖史滿几榻山池環宇堂松風颯然至北窗生微涼

行葦飲湛露

孟輒十日宴宗室主人與焉

乾清宮

此松飽經霜迎陽氣堪

嚙遲月幕不張長生有可學仙境翻微茫松下一壺酒身世都相忘指松介君壽相悅因松蒼

指頭畫竹石

嵐帚湖嵌寫出奇指頭濡染太淋漓一般具有文蘇派不是枝枝節節爲

詠檮

庭院櫺櫺伴獨吟日長不怕暑氛侵隔牆未覺伊蘭臭

俗稱

臭椿伊蘭臭惡之氣見佛書

畱綴終殊惡木陰虎眼要看脫葉處鵲馴

常踏落花深散材似爾真如我社櫟還堪結素心

偶答

凌雲有頌誰曾薦封禪無文亦儘傳何況琴心圖漫與薄
相如更十年前

靈石王君孝義行倣昌黎董生行

汾水出管涔山西流注河浸太原太原州邑共六七孝義
靈石繡錯參其閒靈石有孝義太原族望鄉之賢少失怙
孺子泣漣漣出爲叔父後事叔叔母同二親二親八十享

大年生盡忠養歿則松楸永慕廬墓門孝行鄉里三物敦
義塾義冢以次行叶爲梁濟涉分橐拯貧寬逋已責券是
焚積善積學訓子孫嗟哉王君孝義不求聲名叶斯人雖
往名長存叶吏入告

天聽聞烏頭綽楔旌其門簋俎于社享祀絲鄉人走拜驚
感歎躬被

聖澤飲化源要令薄俗俱還淳嗟哉王君孝德不孤宜有
鄰

十二月二十四日喜九弟自豫至口占八韻

望爾亦云久旬時廢寢餐話多嫌夜短喜極逼年殘老祝

親身健貧撙

國課完鄉園知好在道里念孤單只仗扶持益無虞跋涉
難畱鬚非綺歲摘領尙儒冠獻賦歸母後論文勵不刊春
城燈火動莫放酒杯乾